



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Speculum Monasticum**

In Quo Totius Religiosæ disciplinæ Casus, Regulæ & difficultates clarè videntur, breviter explicantur & resolvuntur Canone, rationibus & Patrum auctoritatibus

**Philippus <a Domina Nostra Septem Dolorum>**

**Augustæ Vindellicorum, 1688**

Cap. XL. De Renunciatione.

**urn:nbn:de:hbz:466:1-40761**

CAPUT XL.

De Renunciatione.

SUMMARIUM.

- I. Quid sit renunciatio, & quomodo dicatur legitima.
- II. An possit religiosus per se, vel per procuratorem renunciare.
- III. Quibus modis fieri debet, ut sit valida.
- IV. Propter quam causam debet fieri.
- V. An acceptatio à Superioribus sit necessaria.
- VI. Qui sint effectus Renunciationis, & an possit retractari.

**R**enunciatio est juris proprii, vel rei alicujus legitima refutatio, vel dimissio, cap. quam periculosum 7. q. 1. Dicitur juris proprii, quia, quod non habetur, renunciari non potest. Dicitur, legitima, quia facta contra legem, vel constitutionem, erit irrita, vel illicita juxta



juxtà talis legis præscriptum. Undè renunciatio redditur illegitima. *I.* Ratione personæ renunciantis, v. g. quia est minor, *cap. Si annum, de judic. lib. 6.* vel alias non potens renunciare. *II.* Ratione personæ, in cujus manibus fit renunciatio, si non fit cui debet, *eo tit. cap. cum dilecti, cap. admonet, & cap. quod in dubiis.* *III.* Ratione rei, quæ renunciari non potest, ut juris naturalis, & agnationis, & sanguinis *l. jus sanguinis ff. de pactis.*

*II.* Religiosus quilibet renunciare potest quodcumque officium, beneficium, munus, vel jus religionis: quod possidet, quia quilibet potest cedere juri suo, tum maximè, si dignitas Papalis renunciari potest *cap. de Renunciatione in 6.* cur non aliæ dignitates? *Peyrinis in formulario litterarum R, cap. 8. num. 8.* Quæcumque vero renunciatio fieri potest, etiam per procuratorem, neque est aliqua ratio, quæ suadeat oppositum. *Sylvester verbo renunciatio, quest. 2.* posito speciali mandato, *Sanchez lib. 1. Consil. Moral. lib. 2. cap. 3. dub. 36. an. 31.*

*III.* Ad hoc, ut sit valida, & licita, debet fieri *I.* scienter, quia id quod ignoratur renunciari non potest, *l. Mater. ff. de inofficioso testam.* *II.* debet fieri spontè, & propria voluntate, *cap. quamvis 7. q. 1.* *III.* purè, & absolutè, *cap. ex parte de off. delegati 1. de simonia;* dolus enim, fraus, & metus reddunt irritam renunciationem. *IV. Re-*



Renunciatio officij, seu cujuslibet beneficij  
 regionis fieri debet in manibus illius Prælati,  
 quem spectat institutio illorum officiorum,  
 & beneficiorum: *cap. admonet de renunciatio-*  
*ne* quia Superioris interest, ne dimittatur  
 officium, quod ad ipsum pertinet, sine ipsius li-  
 centia, aliàs ei præjudicaretur, *cap. significasti*  
*de foro competenti, cap. Clericum 11. quest. 1. cap.*  
*de elec. 3. quest. 6. Sylvester quest. 3. Peyrinis*  
*num. 3. V. renunciatio vocis activæ, vel*  
*passivæ, vel utriusque, fieri potest coram adver-*  
*sario, vel notario publico, vel iudice nomine*  
*regali, l. 2. ff. Remp. sal. Sylvester sup.*  
 Renunciatio qualibet debet fieri in scriptis,  
*cap. quavis 7. q. 9. cap. Gonsalvus 17. q. 2. Le-*  
*onardus v. VI. renunciatio.*

IV. Ad renunciationem requiritur causa ra-  
 tionabilis pro illa facienda, ita ut sine illa saltem  
 prudenter, & illicitè fiat, *cap. super hoc de*  
*renunciacione. Peyrinis sup. num. 4. & 7. Et*  
*notandum, quod renunciatio officiorum seu jurium*  
*regionis, videlicet vocis activæ, & passivæ, sæ-*  
*pe est peccaminosa, quia est contra bonum*  
*commune religionis, quod præponderare debet*  
*particulari, quieti v. g. religiosorum.*  
*cap. de contractibus, disp. 1. quest. 2. puncto 8.*  
*num. 8.*

Sunt & aliquæ causæ, propter quas non so-  
 lè regulares possunt renunciare, sed ad id  
 Pars II. q tenen-



tenentur; cuiusmodi sunt censura, irregularitas, infirmitas corporis, senectus, vel aliud impedimentum impediens officij executionem, idem dicendum de his, qui per simoniam, vel intrusionem ea sunt adepti *cap. nisi cum pridem, de renunciacione.*

V. Requiritur autem ad validam renunciacionem quod à Superiore acceptetur, ita ut ante acceptationem non sortiatur suum effectum, *cap. admonet de Renunciacione, Layman. lib. 4. tract. 2. cap. 17. num. 4.*

VI. Effectus renunciacionis hic præcipuus est, ut is, qui renunciavit, non habeat regressum, *cap. cum inter, cap. ex transmissa, cap. cum in presentia de renunciacione.* Potest tamen, qui renunciavit, sive per se, sive per nuntium, se retractare, & poenitere, si res sit integra *cap. electa, de renunciacione;* secus, si res non sit integra, seu si est acceptata, *cap. in causis, de elect. §. finali,* Et nota, quod, qui semel renunciavit voci activæ, vel passivæ, & talis renunciatio est acceptata à Superiore legitime acceptante, non potest eam reassumere, quia jam est spoliatus tali jure, & quod semel placuit amplius displicere non potest *regula juris in 6.* si verò non est acceptata, potest ad rem regredi; res enim de facili ad sui primævam naturam redit. *Sarchez lib. 8. de matrimon. disp. 32.*

Qui verò licentiam renunciandi petit, & impetravit, cogendus est renunciare, *cap. quidam de*



renunciatio, quia, quod à principio fuit vo-  
luntarium, postea fit necessarium, & quod semel  
dicitur amplius displicere nequit *Lezana verbo*  
*renunciatio per totum.*

Nota, quod si quis renunciat alicui officio  
in pacto, quod Superior illum remuneratu-  
m est de alio, simoniam committit, secùs ta-  
men erit, si Superior solùm dicat, Depone hoc  
officium amore mei, & tibi providebitur de  
alia re. *Lezana verbo resignatio.*

*n. 6. in fine.*



q 2

CA-